

INUIT ATAQATIGIIT

INATSIARTUNI



Nuuk 26. Februar 2015

Inatsisartut suleriaasianni § 37 naapertorlugu arlaannaanulluunniit attuumassuteqanngitsumik inatsisilerituunit misissuisitsinissamut tunngatillugu Naalakkersuisunut imaattunik apeqquteqarpunga:

- 1) **Oqaaseq "arlaannaanulluunniit attuumassuteqanngitsoq" Naalakkersuisut qanoq paasivaat? Imatut paasineqassanerluni tassa inatsisilerituunit misissuisitsineq immi "arlaannaanulluunniit attuumassuteqanngitsut" paasineqasasooq, tassa inatsisileritooq pineqartoq Namminersorlutik Oqartussani atorfeqanngimmat? Aamma advokatip ingerlatsiviata erseqqarissumik Namminersorlutik Oqartussat aningaasarsiorfittut sullitarigaa naluneqanngippat?**
- 2) **Pisisussap suliamillu naammassisaqartussap aningaasanik akunneqarnerat eqqarsaatigalugu Namminersorlutik Oqartussat advokatimik suliaakkiinsaannut akiliinissaannullu Naalakkersuisut ataatsimut isigalugu qanoq ittunik piumasqaateqarsinnaappat?**
- 3) **Oqariaatsip "arlaannaanulluunniit attuumassuteqanngitsup" advokatip sullitallu akiliisussap qanoq attaveqarnerannik ersernerlutitsisinaanera eqqarsaatigalugu oqariaatsip taassuma siunissami atorneqannginnissaanut Naalakkersuisut periarfissaqarsorinnippat? Oqariaatsip "arlaannaanulluunniit attuumassuteqanngitsup" aamma imaatsippaa misissuinerup inernerera allanngortinneqarsinnaananilu eqqartoqqinneqarsinnaanngitsoq.**
- 4) **Misissuisitsinermi suliaakkiissutip qanoq isikkoqarnissaanut aalajangersaasooqarsimava, taamaappallu suliaakkiissut taanna § 37 naapertorlugu apeqquteqaammut matumunnga akissummut ilanngullugu Inatsisartunut nassiunneqarsinnaava?**
- 5) **Kia advokatimit misissuisitsinissami suliaakkiissut allappaa?**
- 6) **Naalakkersuisoqarfiit pisorta qarfiillu sorliit misissuisitsinissami ilaatinneqasappat?**
- 7) **Misissuisitsinissami pisap politikikkut qanoq aallunneqarsimaneranut nassuiaat ilanngunneqassava, imaluunniit atorfilittatigut aallunneqarnera kisimi sammineqassava?**
- 8) **Nassuiaat tamanit atuarneqarsinnaalissava? Taamaangippat advokatimit misissuisitsinissap inerneranik tamakkiisumik ilaannaanulluunniit avammut takunneqqusinnginnermut tunuliaqutaasooq Naalakkersuisunit paasissutissiisutigeqquneqarpoq.**

(Inatsisartuni ilaasortaq Sara Olsvig, Inuit Ataqatigiit)

Tunngavilersuut:

Thule Air Base-mi kiffartuussinissamik isumaqatigiissutip tunniunneqarnerani suliap ingerlasimaneranut tunngasumik qulaajaasoqarnissaanut Naalackersuisut isumaqataanersut § 37 naapertorlugu apeqquteqaatinnut nr. 023/2015-imut akussummi arlaannaanulluunniit attuumassuteqanngitsumit advokatimit nassuiaasiortoqarnissaa naatsunnguamik paasissutissiisutigineqarpoq. Akisummi nassuiaasiornissap imasaanik ilanngussisoqarsimanngilaq.

Soorlu Naalackersuisut siusinnerusukkut advokatinit misissuisitsinernik suliakkiinerminni taamaattarsimasut, misissuisitsinerup matuma suliap ingerlariaqqinnissaani taamaallaat isumaqatissatut atuutinnginnissaa Inatsisartunit innuttaasuniillu paasissallugu pingaartuuvoq. Taamatuttaaq pisap matuma tamanit malinnaavigineqarluarnera eqqarsaatigalugu misissuisitsinerup sunik imaqarnissaanik, kiisalu inernerata ilumut avammut saqqummiunneqarnissaanik paasisaqarnissaq pingaaruteqarpoq.

Apeqqutima ullut suliffiusut qulit iluanni akineqarnissaat kissaatigivara.